

Poesia in dialetto
"SGUNDEN"

La furnèra

A Sasgond a gh'è 'na bèla furnèra,
l'è ben méssa ma l'è tōta natürèla,
al Panificio Chezzi al furnéssa la butega,
la Donatella la venda al pan a la clientela.

Arivan i client cm'al nutisi d'la giornada,
al dóni i cumincian a far 'na ciciarada;
a gh'è un pò ad vanità e gelosia,
i'omen ien respetus con tanta simpatia.

Ariva Dondi dal Maràs in bicicléta:
"ach son da mé, basta 'na michéta",
al guarda la Dona e l'è un piasér,
al va drét a cà a far i so mestér.

"Adèssa toca a me" la dis la Bea ad Pesoni
"dam dü ragn, un fiurén e due bastoni",
la conta la riuniòn dal tabachéni e lé la resta:
"dop la méssa a som andà a prans con 'na gran festa".

Ariva da l'edicola con premüra Bargamasch,
al gh'à i giornai da lésar sota al bras,
"chi é mort?, a i'ò sintì un'Ave Maria"
"von dal ricovar, l'à det Ristén, un certo Geremia".

Ariva al sartur cl'è in pensión,
intant la Dona la vōda l'ultim cestón:


"Dona, dam al pan, un toch ad turta, la magn al'istant,
a vagh a cà a scürtar al braghi e un pèr 'd müdant".

Ariva 'na dóna in machina da Castlicard,
"a s'era pō sven, quanda gh'avom al nōstar furnèr,
dam al pan par 'na qualca volta, al ten ad scorta,
anca a me marì al pias dūr, cme 'na volta".

A gh'è Fava ch'al riva dal Bar Central
dop al café l'à lisì al giornal:

"Dona, dam al pan e lasa lé ad ciciarar,
a gò d'andar a cà in giarden a lavurar".

Cm'un pò 'd pan e tanta fantasia
a fnéssa ché la me poesia.



Remo Allegri